

Zastupnik u Skupštini Kantona Sarajevo

Elvis Vreto

28. Radna sjednica

Sarajevo, 20.08.2020. godine

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Premijer g-din Mario Nenadić
Ministarstvo komunalne

privrede i infrastrukture

KJKP

“Vodovod i kanalizacija”

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo (“Službene novine Kantona Sarajevo”, broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu **upućujem inicijativu za sufinansiranje izgradnje gradske vodovodne mreže za 80 domaćinstava u ulici Mitrići , MZ Vrelo Bosne–Općina Ilidža.**

Obrazloženje

Na zahtjev građana, predstavnika 80 domaćinstava ulice Mitrići podnosim inicijativu za izgradnju gradske vodovodne mreže, kako bi pitanje pitke vode za nevedenu ulicu bilo riješeno. Inicijativu podnosim na osnovu odgovora na postavljeno pitanje oko ulice Kamenolom koji sam dobio od ministarstva, vodovoda i Općine Ilidža, u kojem je jasno da su nažalost građani taoci u postojećoj situaciji. Od Općine Ilidža ze zahtjeva provedbeno planska dokumentacija koja ne postoji za navedeni ruralni lokalitet

Činjenica je da Općina Ilidža nije uradila za pojedine MZ provedbeno plansku dokumentaciju pravdajući to ruralnim dijelom i gustoćom naseljenosti navedenih područja, ali je sa druge strane Općina uradila projektno- tehnički prijedlog nove mreže vodosnadbijevanja ulice Mitrići , spremna finansirati izgradnju ali KJKP ViK odbija prihvatiti projekt postavljajući uslov da za ruralni dio treba prostorno planska dokumentacija.

Inicijativom tražim da se sufinansira i prihvati prijedlog projekta Općine Ilidža kako bi se krenulo u realizaciju vodosnadbijevanja, tražim od ministarstva i KJKP ViK da daju saglasnost i pristupe nadzoru izgradnje vodovoda u ulici Kamenolom kao u sličnom slučaju u prošlosti kod projekta vodosnadbijevanja Rakovice. Nadzorom nad izvedenim radovima KJKP ViK će

omogućiti da realizirani projekt ispunjava sve uslove za provedbenu plansku dokumentaciju koja će se usvajati sticanjem usluga za taj lokalitet a građani će u što kraće mogućem roku dobiti pitku vodu.

Napominjem da u navedenoj ulici od 80 domaćinstava, živi dosta starih osoba, ratnih vojnih invalida, demobilisanih pripadnika ARBiH, invalidnih lica, ogroman broj porodica sa maleljetnom djecom i da je voda u njihovim domovima godinama pitanje svih pitanja.

S poštovanjem

Elvis Vreto

Zastupnik u Skupštini Kantona Sarajevo